



- Vijeće doktorskih studija -

Broj: 04/3- 1332/24-2

Dana, 13.05.2024. godine

ZAPISNIK

Sa V sjednice Vijeća doktorskih studija Univerziteta u Sarajevu – Šumarskog fakulteta, u studijskoj 2023/2024. godini, održane 13.05.2024. godine sa početkom u 12:00 sati u sali 102 (sala za sjednice).

PRISUTNI: Prof.dr Dalibor Bállian, predsjednik Vijeća doktorskih studija, prof.dr Ahmet Lojo, prof.dr Dževada Sokolović, prof.dr Sead Vojniković, prof.dr Nedad Bašić, prof.dr Sead Ivojević, prof.dr Aida Ibrahimspahić, prof.dr Besim Balić, prof.dr Azra Čabaravdić, prof.dr Muhamed Bajrić, prof.dr Faruk Bogunić, prof. dr Zahida Ademović, prof.dr Dženan Bećirović, prof.dr Dino Hadžidervišagić, prof.dr Admir Avdagić, doc.dr Jelena Knežević, sekretar Fakulteta Delila Salihović, bakalaureat/bachelor prava i Emina Uzunović, sekretar Vijeća doktorskih studija.

ODSUTNI: prof.dr Mersudin Avdibegović (opravdao odsustvo), prof.dr Tarik Trešić (opravdao odsustvo), prof.dr Sabina Delić (opravdala odsustvo), prof.dr Fatima Pustahija (opravdala odsustvo), prof.dr Velid Halilović (opravdao odsustvo), prof.dr Emira Hukić (opravdala odsustvo), prof.dr Alma Hajrudinović – Bogunić (opravdala odsustvo), prof.dr Čemal Višnjić, prof.dr Osman Mujezinović, prof.dr Jusuf Musić i doc.dr Bruno Marić (opravdao odsustvo).

Predsjednik Vijeća doktorskih studija je otvorio sjednicu, te konstatovao da od ukupno 27 članova sa pravom glasa, današnjoj sjednici prisustvuje 16 članova Vijeća doktorskih studija, te da se mogu donositi punovažne odluke po dnevnom redu.

Na ovoj sjednici utvrđen je sljedeći

DNEVNI RED

1. Razmatranje i usvajanje zapisnika sa IV sjednice Vijeća doktorskih studija Univerziteta u Sarajevu – Šumarskog fakulteta.
2. Razmatranje i usvajanje izmjena i dopuna elaborata dokorskog studija Šumarstva.
3. Donošenje odluke o visini troškova školarine III ciklusa studija.
4. Informacije.

Tok sjednice i zaključci:

Ad 1.

Zapisnik sa IV sjednice Vijeća doktorskih studija Univerziteta u Sarajevu - Šumarskog fakulteta jednoglasno je usvojen.

Ad 2.

Na osnovu člana 8. Pravila studiranja za treći ciklus studija na Univerzitetu u Sarajevu – doktorski studij, Vijeće doktorskih studija Univerziteta u Sarajevu – Šumarskog fakulteta, na svojoj V sjednici održanoj 13.05.2024. godine jednoglasno je donijelo sljedeći prijedlog

ODLUKE

o izmjeni i dopuni Elaborata trećeg ciklusa studija na Univerzitetu u Sarajevu - Šumarskom fakultetu

I

U dijelu elaborata za treći ciklus studija - doktorski studij – šumarstvo koji se odnosi na Služba za rad sa studentima i planiranje nastave, tekst:

"Služba za rad sa studentima saraduje sa studentima i nastavnim osobljem, sa predstavnicima studentskih organizacija i obavlja sve administrativne poslove vezane za studente. Služba za rad sa studentima Šumarskog fakulteta je među prvim započela sa korištenjem aplikacije koja omogućavaju elektronsku prijavu ispita, elektronsko ocjenjivanje studenata, izdavanje različitih uvjerenja i drugo. Cilj je studentima olakšati i ubrzati procese i procedure koji prate njihov studij. Ova Služba se bavi i planiranjem nastave, nostrifikacijom i ekvivalencijom diploma stečeni u inostranstvu, definira ispitne termine za sve nivoe obrazovanja i drugo."

Mijenja se i isti sada glasi:

Studentska služba

"Služba za rad sa studentima saraduje sa studentima i nastavnim osobljem, i obavlja sve administrativne poslove vezane za studente. Služba za rad sa studentima fakulteta koristi aplikacije koja omogućavaju elektronsku prijavu ispita, elektronsko ocjenjivanje studenata, izdavanje različitih uvjerenja i drugo. Cilj je studentima olakšati i ubrzati procese i procedure koji prate njihov studij."

U dijelu elaborata za treći ciklus studija - doktorski studij - šumarstvo koji se odnosi na Mogućnostima mobilnosti studenata u domaćem i međunarodnom prostoru visokoga obrazovanja, tekst:

"Iako je naglasak ovog studijskog programa na razvoju naučnih i praktičnih vještina, te je, kao takav, više orijentiran ka šumarskoj praksi, kandidati će moći koristiti mogućnosti razmjene, tokom sve tri godine studija. Prije svega, studenti će moći učestvovati u horizontalnoj mobilnosti, tj. mogućnost uključenja u Erasmus program mobilnosti."

Mijenja se i isti sada glasi:

"Iako je naglasak ovog studijskog programa na razvoju naučnih i praktičnih vještina, te je, kao takav, više orijentiran ka šumarskoj praksi, kandidati će moći koristiti mogućnosti razmjene, tokom sve tri godine studija. Prije svega, studenti će moći učestvovati u horizontalnoj mobilnosti, tj. mogućnost uključenja u Erasmus program mobilnosti, CEPUS, kao neki od drugih programa ili međunarodnih projekata."

U dijelu elaborata za treći ciklus studija - doktorski studij - šumarstvo koji se odnosi na Upis studenata na treći ciklus studija, tekst:

"Upis na doktorski studij vrši se na osnovu javnog konkursa koji objavljuje Univerzitet na prijedlog NNV Šumarskog Fakulteta, što je regulirano posebnim Pravilnikom.

Studijske programe III ciklusa studija, uz ispunjavanje drugih – konkursom traženih – uslova, mogu upisati lica koja su po osnovu prethodnog visokoškolskog obrazovanja prema principima Bologna procesa stekli najmanje 300 (E)CTS bodova – drugog ciklusa ili ekvivalenta iz odgovarajuće oblasti nauke. Pohađanjem i završetkom studija III ciklusa ova lica treba da imaju verifikovano najmanje 480 (E)CTS bodova na svim ciklusima univerzitetskog obrazovanja.

Studijske programe III ciklusa studija mogu upisati i lica koja su stekla zvanje magistra nauka na studijima organizovanim prije uvođenja Bologna sistema trocikličnog studija iz oblasti koje su relevantne za oblasti za koje se organizuje doktorski studij. Ukoliko steknu pravo na upis studijskog programa III ciklusa, ovim licima se priznaje 60 (E)CTS bodova po osnovu pohađanja nastave (50 bodova) i objavljivanja dva naučno-stručna rada u časopisima iz specijalizovanih baza (10 bodova). Odluku o priznavanju 60 (E)CTS bodova po osnovu završenog studija kojim je stečeno zvanje magistra nauka donosi Vijeće studija. Preostalih 120 (E)CTS bodova ova lica treba da steknu kroz ostale aktivnosti predviđene nastavnim planom i programom od III do VI semestra.

Za upis studijskog programa III ciklusa studija mogu se kandidovati:

- lica koja su završila prvi i drugi ciklus studija u skladu sa principima Bologna procesa, čija je ukupna prosječna ocjena za drugi ciklus studija najmanje 8,00 (izračunata kao prosječna ocjena svih položenih predmeta II ciklusu studija uključujući završni rad),
- lica koja su završila postdiplomski studij organizovan prije uvođenja cikličnih studija u skladu sa Bologna principima, stekla zvanje magistra nauka i koja su ostvarila prosječnu ocjenu na postdiplomskom studiju najmanje 8,00 i
- lica koja su završila diplomski studij organizovan prije uvođenja cikličnih studija u skladu sa Bologna principima, stekla zvanje VSS, nakon toga završila najmanje jednogodišnji studij II ciklusa u skladu sa Bologna principima i ostvarila prosječnu ocjenu na oba studija najmanje 8,00 (izračunato kao prosječna ocjena svih položenih predmeta na oba ciklusa studija).

Izuzetno, u slučaju kada je broj prijavljenih kandidata za upis studijskog programa III ciklusa studija manji od broja utvrđenog konkursom, studijske programe III ciklusa studija mogu upisati lica iz prethodnog stava koja su na prethodno završenim studijama ostvarila prosječnu ocjenu najmanje 7,00, koja su objavila najmanje dva naučna rada i koja svojim izjavama pismeno preporučili jedan nastavnik koji učestvuju u realizaciji nastave na studijskom programu kojeg kandidat želi upisati. Konačnu odluku o upisu ovih kandidata, nakon razmatranja referenci kandidata i referentnosti nastavnika koji su kandidata preporučili, donosi Nastavno-naučno vijeće Fakulteta na prijedlog Vijeće studija.

U slučajevima kada je broj prijavljenih kandidata za upis studijskog programa III ciklusa studija veći od broja određenog konkursom, izbor kandidata za upis vrši se na osnovu rezultata postignutih na prethodnim ciklusima studija. Pri ovom se kao vodeći kriterij uzima prosječna ocjena prethodnih ciklusa studija utvrđena u skladu sa odredbama Člana 14., stav 1. U slučajevima kada dva ili više kandidata imaju istu prosječnu ocjenu sa prethodnih ciklusa studija kao dodatni kriterije za rangiranje Vijeće studija razmatra kvalitet eventualno objavljenih naučnih i stručnih radova te reference nastavnika koji su eventualno dali preporuke kandidatima za upis.

Rang listu kandidata za upis objavljuje Vijeće studija, a po isteku roka za prigovore usvaja je Nastavno-naučno vijeće Fakulteta i dostavlja Senatu Univerziteta.

Kandidati koji su stekli pravo upisa studijskog programa III ciklusa studija obavezni su prije upisa Vijeću studija dostaviti sljedeće:

- izjavu koordinatora projekta u okviru kojeg će biti realizovana istraživanja za izradu doktorske disertacije kojom se potvrđuje da u okviru projekta postoje sredstva potrebna za istraživanje ili potpisanu izjavu kandidata da će troškove istraživanja za izradu doktorske disertacije pokriti iz vlastitih sredstava ili sredstava do kojih je došao samostalnim apliciranjem za dodjelu sredstva za ove namjene kod privrednih subjekata, namjenskih domaćih i inostranih fondova i sl.

- okvirni prikaz troškova istraživanja koja će rezultirati izradom i odbranom doktorske disertacije i
- okvirnu oblast istraživanja i okvirnu temu doktorske disertacije sa kratkim obrazloženjem ciljeva i očekivanih rezultata disertacije;
- potpisanu saglasnost nastavnika koji može biti savjetnik pri pripremi projekta doktorske disertacije i mentor pri izradi doktorske disertacije;
- organizaciji i trajanju studijskoga programa te minimalnom broju ECTS bodova potrebnih za završetak studija
- Ovaj studijski program će biti organizovana u trajanju od 3 godine (6 semestra). Nastava će se odvijati prema utvrđenom rasporedu u toku trajanja semestra, a prema akademskom kalendaru UNSA.

Organizacija nastave će se odvijati prema sljedećem rasporedu:

- I semestar: nastava na svim predmetima će se odvijati inclass, na Šumarskom fakultetu.

- I – VI semestar: 70% nastave kroz participaciju u svakodnevnom poslovnim aktivnostima. SUFA će imenovati mentora za svakog studenta, a koji će biti zadužen za praćenje i podučavanje studenta. Mentor kreira izještaj o postignućima svakog studenta ili grupe studenata, te dostavlja rukovodiocu studijskog programa."

Mijenja se i isti sada glasi:

"Upis na doktorski studij vrši se na osnovu javnog konkursa koji objavljuje Univerzitet u Sarajevu na prijedlog Vijeća Šumarskog fakulteta, što je regulirano posebnim Pravilnikom.

Studijske programe III ciklusa studija, uz ispunjavanje drugih – konkursom traženih – uslova, mogu upisati lica koja su po osnovu prethodnog visokoškolskog obrazovanja prema principima Bologna procesa stekli najmanje 300 (E)CTS bodova i zvanje drugog ciklusa studija ili ekvivalenta iz odgovarajućih oblasti nauke. Pohađanjem i završetkom studija III ciklusa ova lica treba da imaju verifikovano najmanje 480 (E)CTS bodova na svim ciklusima univerzitetskog obrazovanja.

Studijske programe III ciklusa studija mogu upisati i lica koja su stekla zvanje magistra nauka na studijima organizovanim prije uvođenja Bolonjskog sistema trocikličnog studija iz oblasti koje su relevantne za oblasti za koje se organizuje doktorski studij. Ukoliko steknu pravo na upis studijskog programa III ciklusa, ovim licima se priznaje 60 (E)CTS bodova po osnovu pohađanja nastave (50 bodova) i objavljivanja dva naučno-stručna rada u časopisima iz specijalizovanih baza (10 bodova). Odluku o priznavanju 60 (E)CTS bodova po osnovu završenog studija kojim je stečeno zvanje magistra nauka donosi Vijeće studija. Preostalih 120 (E)CTS bodova ova lica treba da steknu kroz ostale aktivnosti predviđene nastavnim planom i programom od III do VI semestra.

Za upis studijskog programa III ciklusa studija mogu se kandidovati svi kandidati koji ispunjavaju uslove utvrđene Zakonom o visokom obrazovanju, odnosno Statutom Univerziteta u Sarajevu, Pravilima studiranja za treći ciklus studija na Univerzitetu u Sarajevu - Doktorski studij.

Doktorski studij mogu upisati:

- lica koja su završila prvi i drugi ciklus studija u skladu sa principima Bolonja procesa,
- lica koja su završila postdiplomski studij organizovan prije uvođenja cikličnih studija u skladu sa Bolonja principima, te koja su stekla zvanje magistra nauka

- lica koja su završila diplomski studij organizovan prije uvođenja cikličnih studija u skladu sa Bolonja principima, stekla zvanje VSS, nakon toga završila najmanje jednogodišnji studij II ciklusa u skladu sa Bolonja principima.

Posebni uslovi upisa na treći ciklus studija na Univerzitetu u Sarajevu-Šumarskom fakultetu će biti definisani Odlukom Vijeća Univerziteta u Sarajevu - Šumarskog Fakulteta pri raspisivanju konkursu za upis studenata na treći ciklus studija/doktorski studij Univerziteta u Sarajevu - Šumarskog fakulteta, a u skladu sa odlukom Vijeća Fakulteta, a na prijedlog Vijeća Doktorskog studija, a sve u skladu sa Zakonom o visokom obrazovanju, Statutom Univerziteta u Sarajevu, Pravilima studiranja za treći ciklus studija na Univerzitetu u Sarajevu - Doktorski studij.

U slučajevima kada je broj prijavljenih kandidata za upis studijskog programa III ciklusa studija veći od broja određenog konkursom, izbor kandidata za upis vrši se na osnovu rezultata postignutih na prethodnim ciklusima studija. U slučajevima kada dva ili više kandidata imaju istu prosječnu ocjenu sa prethodnih ciklusa studija kao dodatni kriterije za rangiranje Vijeće studija razmatra kvalitet eventualno objavljenih naučnih i stručnih radova te reference nastavnika koji su eventualno dali preporuke kandidatima za upis.

Rang listu kandidata za upis objavljuje Vijeće studija, a po isteku roka za prigovore usvaja je Vijeća Fakulteta i dostavlja Senatu Univerziteta.

organizaciji i trajanju studijskoga programa te minimalnom broju ECTS bodova potrebnim za završetak studija

Ovaj studijski program će biti organizovana u trajanju od 3 godine (6 semestra). Nastava će se odvijati prema utvrđenom rasporedu u toku trajanja semestra, a prema akademskom kalendaru UNSA.

Organizacija nastave će se odvijati prema sljedećem rasporedu:

- nastava na svim predmetima će se odvijati u učionici, na Fakultetu za 3 ili više upisnih kandidata, a za manje od tri kandidata mentorski; u skladu sa Pravilima studiranja za treći ciklus UNSA

Univerzitetu u Sarajevu - Šumarski fakultet će imenovati mentora za svakog studenta, a koji će biti zadužen za praćenje i podučavanje studenta. Mentor kreira izještaj o postignućima svakog studenta ili grupe studenata, te dostavlja rukovodiocu studijskog programa.

Minimalan broj ECTS bodova potrebnih za završetak studija je 180."

II

Ostale odredbe Elaborata ostaju nepromijenjene.

Obrazloženje

Uvidom u Elaborat trećeg ciklusa studija na Univerzitetu u Sarajevu-Šumarskom fakultetu

ustanovljeno je da je potrebno izvršiti izmjene i dopune u dijelu Elaborata koji se odnosi na uslove za upis i način izvođenja nastave te je u skladu sa navednim donesena Odluka kao u dispozitivu.

III

Ovaj prijedlog Odluke se dostavlja Vijeću Fakulteta na saglasnost.

Ad 3.

Na osnovu člana 8. Pravila studiranja za treći ciklus studija na Univerzitetu u Sarajevu – doktorski studij, Vijeće doktorskih studija Univerziteta u Sarajevu – Šumarskog fakulteta, na svojoj V sjednici održanoj 13.05.2024. godine većinom glasova je donijelo sljedeći prijedlog

ODLUKE

I

Utvrđuje se visina troškova dokorskog studija (školarine) u iznosu od 10.500,00 KM.

II

Ova odluka se dostavlja Vijeću Fakulteta na saglasnost.

Ad 4.

Prof.dr Dalibor Ballian, predsjednik Vijeća doktorskih studija, informisao je prisutne o tome da će se naredna sjednica Vijeća doktorskih studija održati u ponedjeljak, 27.05.2024.godine sa početkom u 12 sati, te je pozvao supervizore da pri radu sa kandidatima vode računa o blagovremenom ispunjavanju obaveza koje su predviđene doktorskim studijem.

Dekan Fakulteta, prof.dr Ahmet Lojo informisao je prisutne da će se sjednica Vijeća Fakulteta održati u četvrtak, 16.05.2024.godine.

Ove informacije su primljene k znanju.

Sjednica je završena u 13:00 sati.

Zapisnik vodila

Emina Uzunović

PREDSJEDNIK VIJEĆA
DOKTORSKIH STUDIJA

Prof.dr Dalibor Ballian

DEKAN

Prof.dr Ahmet Lojo

Dostaviti:
-a/a Fakulteta

